



# ХАБААР

نخبەر

Ўзбекистон Республикаси Алоқа Вазирлиги нашри

Сотувда нархи эркин

1992 йил мартдан чиқа бошлаган • 1995 йил, 5 май № 18 (143) •

## ҒАЛАБА БАЙРАМИНГИЗ МУБОРАК

### ОТАЛАР ЖАСОРАТИ УНУТИЛМАС

Мустақил Ўзбекистон халқи фашизм устидан қозонилган Ғалабанинг 50 йиллигини нишонламоқда. Бу шонли сана Ватанимиз тарихидаги ғоят муҳим аҳамиятга эга бўлган воқеадир. Шу кунларда барчамиз урушда шаҳид кетганлар номини ед айлаб, уларнинг руҳи покларига таъзим қиламиз.

Фашизмга қарши курашда бошқа халқлар қатори бизнинг юртдошларимиз ҳам мардона жанг қилдилар, жон олиб, жон бердилар. Биз жангчи юртдошларимиз жасорати билан ҳар қанча фахрлансак арзийди.

Уруш жараёнларида кўшинларни бошқариш учун узлуксиз алоқа хизмати жуда катта аҳамиятга эга бўлган. Ушбу масъул вазифа алоқа кўшинлари зиммасига юклатилганди. Жангу жадалларда барча алоқа воситаларининг ҳамisha хизматга тайёр ҳолатда бўлишини таъминлаш лозим эди. Бу масъул ва мушкул вазифани ўзбекистонлик алоқачилар шараф билан уддаладилар. Хуллас, фашизм устидан эришилган тарихий, оламшумул Ғалабада Алоқа фронтининг барча фидойилари муносиб улуш кўшганлигидан ҳақли равишда фахрланамиз.

Урушдан кейинги тикланиш давридан тортиб халқимизнинг ҳозирги тинч ҳаёти ва истиқлодини мустаҳкамлашда ҳам фахрийларимизнинг салмоқли ҳиссалари бор. Бугун улар ёшларимизни ватанпарварлик руҳида тарбиялашда ибрат кўрсатмоқдалар, мамлакатимизда тинчлик, осойишталик, фуқаролар тотувлигини таъминлашда ҳормай-толмай меҳнат қилмоқдалар.

Фидойи, мард ва жасур уруш қатнашчиларини, хурматли фахрийларимизни ҳамда тармоқда самарали хизмат қилаётган барча алоқачилар — почта, электр алоқа, телекоммуникация, радиоэшиттириш ва телекўрсатувлар техник хизмати, транспорт, қурилиш, таъминот, махсус хизмат, ўқув юртлари, илмий-тадқиқот ишлари заҳматқашларини Ғалаба байрами билан самимий муборакбод этамиз, уларга ҳамisha яхши кайфият, сиҳат-саломатлик ва узок умр тилаймиз.

Ўзбекистон Республикаси Алоқа вазири  
К.Р. РАҲИМОВ

Ўзбекистон Республикаси алоқа ходимлари  
касаба уюшмаси Марказий Кўмитаси раиси  
Т. Н. НАЗАРЖОНОВ



Ҳеч ким, ҳеч қачон унутилмайди

### ОЛАМДА НИМА ГАП?

• Воқеалар • Янгилıklar • Хабарлар

• Бугун Ўзбекистон Республикаси Олий Мажлиси мажлислар залида Ўзбекистон Республикаси Олий Мажлисининг иккинчи сессияси очилди.

• Ўзбекистон Республикаси Президентининг "Ўзбекистон Республикасининг Миллий Хавфсизлик Кенгаши тўғрисида"ги Фармони эълон қилинди.

• Ўзбекистон ФА Абу Райхон Беруний номидаги Шарқшунослик институтида "Амир Темур — атоқли давлат арбоби ва маданият хомийси" мавзусида илмий анжуман ўтказилди. Анжуманда Ўзбекистон Фанлар академиясининг бир қатор илмий-тадқиқот институтлари ходимлари, афғонистонлик ва ҳиндистонлик олимлар иштирок этишди.

• Бу йил ЮНЕСКОнинг қарори билан козоқ халқининг улуғ адиби Абай таваллудининг 150 йиллиги дунё миқёсида кенг нишонланади.

• Тошкентда Ўзбекистон Республикаси билан Россия Федерацияси ўртасида солиқ соҳасидаги қонунийликни бузишга

қарши курашда ҳамкорлик қилиш ва ахборотлар айирбошлаш тўғрисида битим имзоланди.

• Самарқанд Давлат Университетида ТошДўнинг 75 йиллигига бағишланган йилнинг ўтказилди. Унда Самарқанд вилояти хокими П. Абдурахмонов иштирок этди.

• Тожикистон Республикаси Президенти Имомали Раҳмонов Россия Президенти Борис Ельцин билан дўстона учрашиш ниятида эканини билдирди.

• Қозғитонда машҳур "МАКС" мустақил телерадиокомпанияси ўз фаолиятини тугатди. Бунга телерадиокомпаниянинг бош директори В. Литвинов билан ходимлар ўртасида юзага келган турли келишмовчиликлар сабаб бўлди.

• Грузияда уюшган жиноятчиликка қарши кенг кўламли тадбирларни амалга ошириш учун қуролли кучлар, шу жумладан танклар, жанговар машиналар, вертолётлар жалб этилди.

• Дастлабки маълумотларга кўра,

Жанубий Кореянинг Тэгу шаҳрида метро қурилиши пайти газ қувурлари юз берган портлаш оқибатида 109 киши ҳалок бўлди, 230 киши жароҳатланди.

• Иккинчи жаҳон урушида бир-бирига қарама-қарши бўлган Австралия ва Япония 50 йилдан сўнг ҳарбий соҳада ҳамкорлик ўрнатилга қарор қилди. Шу мақсадда Австралия Бош вазири Пол Китинг май ойида Токиога сафар қилди.

• Миср ва Исроил ташқи ишлар вазирилари ядровий қурол-аслаҳаларини тарқатмаслик тўғрисидаги муаммони муҳокама этиш учун 7 май кунини Қоҳирада учрашишга келишиб олдилар.

• КХДР Япония ҳукумати билан ядро муаммоси ҳусусида юзага келган баҳсга аралашмасликка даъват этди. Акс ҳолда мазкур муаммо яна кескин тус олиши мумкин экан.

• Ироқ ҳукумати Туркияни яна бир бор ўз кўшинларини мамлакат ҳудудидан тўлиқ олиб чиқиб кетишга чақирди.

### ФАХРИЙЛАР — ФАХРИМИЗ

Фашизм устидан қозонилган буюк Ғалабанинг 50 йиллиги олдида жойларда уруш фахрийлари билан кўнгилли учрашувлар, мароқли гурунгар бўлмоқда. Шундай мазмунли тадбирлардан бири кунги кеча Республика Алоқа вазириликда бўлиб ўтди. Алоқа фахрийлари уруш хотиралари, қонли жангларда алоқачилар кўрсатган жасорат ва қаҳрамонликлар ҳақида тўлқинланиб сўзладилар. Шундай мулоқот Тошкент Электротехника алоқа институтида ҳам ўтказилди. Фахрийларнинг уруш ҳақидаги хотиралари, ҳаётини ҳикояларини талабалар эътибор билан тингладилар.

Р. СОБИТ



Хаётнинг аччиқ-чучугини кўп ва хўп тотган, йигирма йил почтачилик қилган Жўра бобо Ёдгоров Қашқадарё вилоятининг Чироқчи туманидаги Охунбобоев номи жамоа хўжалигида истикомат қилади. Бу ерда уни барча ёшларга яхши танийди. Жўра бобо бир кам етмиш ешида ҳам бакуват, бардам, нуруний чехрасида мағрурлик ва самимийлик ифодалари мужассам. Бобо суҳбатдошини зериктирмайди, сўзлаганда ҳам "чертиб-чертиб", гапнинг қаймоғини гапирди.

Жўра бобо уруш иштирокчиси, дахшатли қирғинбаротлардан омон қайтганлардан бири.

— Ўн саккиз ёшимда, 1944 йили харбийга чақириқ қозғоли келди, — дейди бобо уруш хотираларини эсларкан. — Аввалига Семипалатинск шаҳрида бошланғич харбий тайёргарликдан ўтдик. Сўнгра қишлоғимиз йигитлари — Тошпўлат Дўстқулов, Мейли Турсунов, Бозор Жўраевлар билан биргаликда фронтга жўнадик. Первь шахрида алоҳида қисмларга бўлишди. Мен 664-ўқчи гвардия полки сафида Шаркий Пруссия ҳамда Польша республикасини немис босқинчиларидан озод қилиш учун бўлган жангларда қатнашдик. Бу уруш дегани одамларни аяб ўтирмас экан...

Жўра бобо оғир хаёлга чўмади. Сезиб турибман, у кишига уруш ҳақида сўзлаш, эслаш жуда оғир.

Шиддатли жангларнинг биринчи Жўра бобо ўнг оёғи ва қўлидан яраланиб, фронт ортидаги кўчма госпиталда даволанди. Сўнгра яна сафдошлари билан фашистлар-

нинг сўнгги таянчи бўлган Берлинда 7 минг нафар асирни тутқундан озод этишда қатнашди. Ушанда кўлга тушган немис аскарлари-ю зобитларининг башарасини яқиндан кўрди. Улар ҳам ташқи кўринишдан одамга ўхшаса-да, қилган барча ҳаракатлари жамики одамзодга, башариятга қарши қаратилган жиддий ҳавф эканлигини жангчи Жўра қалбдан ҳис қилди. Тиштирноғича қурулланган душманни ер юзидан йўқотишни келажак авлод олдидидаги инсоний бурчи деб билди. Оғир жангларда ўзини армади.

— Урушнинг номи ўчсин, ўғлим, — дейди собиқ жангчи. — 1945 йили, 7 май куни Рейхстаг устида галаба байроғини кўрганимизда барчамиз қувончдан йиғладик. Ниҳоят, Галабага эришганимиздан, машум уруш тугатилди, бунга ўз ҳиссамизни қўшганимиздан

ишлаймиз деб қолди. Унинг тақли-фиға рози бўлиб, аҳолига газета-журнал, хат-хабар тарқата бошладим. Почтачилик оҳанрабога ўшаркан, хонадонларга хуш-хабар етказган кезларимда, одамларнинг юзидидаги қувончни кўрганимда бу касбга маҳкам боғланиб қолдим.

Ха, бобо йигирма йил почтачилик қилди. Шунча вақт почта сумкаси елкасидан тушмади. Қишлоқдошларининг бошига ташвиш тушганда кўмақдош бўлиб, қувонганда қувониб яшади. Бу касб этагини тутиб, у кам бўлгани йўқ. Хонадонига кут-баракари-ризу-рўз кирди. Почтачилик кетидан ҳалол нон топиб, ўн нафар фарзандни тарбиялади, халқ хизматидаги ярайдиган инсонлар қилиб воёга етказди.

Бобонинг катта ўғли Нурмухаммад аспирантурани тугатиб, ҳозир Низомий номи давлат педагогика институтида математика

### • Буюк Ғалабанинг 50 йиллиги

## БУ КУНЛАРГА ЕТГАНЛАР БОР...

қалбимиз фахру-гурурга тўлди. Уша кунни биз жангчилар бир-биримизни Ғалаба билан чин юракдан табриқладик, барчамиз бир ота-онанинг фарзандидек бахтиёр эдик...

У 1949 йили кўкракларни нишонларга тўлиб, она қишлоғига қайтди. Манфур урушнинг тугатилганидан суюниб юрган қариндошлари, қишлоқдошларининг қувончига қувонч қўшилди.

1950 йили унинг ҳаётида нуғитилмас воқеа бўлди. Қишлоқнинг барчимисол қизи — Мастурага уйланди. Собиқ жангчи халқ хўжалигининг турли соҳаларида — пахта ва галла етиштиришда, қурилишда меҳнат қилди. Аммо ҳаётдаги ўрнини Чироқчи туманининг "Дам" алоқа бўлимида почтачилик қилганда топди.

Собиқ почтачи дастлабки иш кунларини шундай едга олади:

— Ҳамқишлоғим Ута Убайдуллаев 1966 йили почта бўлими ташкил қилайман, хоҳласангиз бирга

ўқитувчиси бўлиб ишлайди. Эшпўлат — Чироқчи тумани Ёшлар иттифоқининг биринчи котиби, Самад — аспирант, Олим — жамоа хўжалигида ишчи, Ботир — талаба — бўлажак ўқитувчи. Беш нафар қизи эса тағли-тахтли жойларга келин бўлиб тушган. У киши 37 неваранинг, битта шириндан-ширин чеваранинг суюкли бобоси ҳамдир.

Жўра бобо ҳозир нафақада. Бобонинг ишни шоғирди Бердир Тўйчиев давом эттириб, Паканди қишлоғи почта бўлимида ишлайтир.

— Насиб қилган экан, — дейди собиқ почтачи. — Шундай дорилдомон кунларга етиб келдик. Яратганга шукр, юртимиз тинч. Бу кунларнинг қадрига етиб яшаш керак. Бу кунларга етганлар бор, етмаганлар бор, ўғлим...

**Абдугани АБДУРАҲМОНОВ,**  
"Хабар"нинг махсус мухбири,  
Тошкент — Чироқчи —  
Тошкент

## “ФАХРИЙ МАКТУБИ” ВА ИМТИЁЗЛИ ҚҶНҒИРОҚ

Республика Фахрийлар Кенгаши билан тузилган шартномага кўра, Ғалабанинг 50 йиллиги байрами шарафига тайёрланган “Фахрий мактуби” — юбилей хатжилдлари ҳар бир уруш иштирокчиси ва қолган барча юмушлари алоқачилар бажаришади.

Телефонда суҳбатлашиш ва табриқлаш истагида бўлганлар шаҳарлараро телефон станцияси буюртмалар столи рақамини териб, манзил

ИМТИЁЗЛИ ҚҶНҒИРОҚ

Ғалаба байрами шарафига тайёрланган "Фахрий мактуби" — юбилей хатжилдлари ҳар бир уруш иштирокчиси ва қолган барча юмушлари алоқачилар бажаришади.

Телефонда суҳбатлашиш ва табриқлаш истагида бўлганлар шаҳарлараро телефон станцияси буюртмалар столи рақамини териб, манзил

ИМТИЁЗЛИ ҚҶНҒИРОҚ

Ғалаба байрами шарафига тайёрланган "Фахрий мактуби" — юбилей хатжилдлари ҳар бир уруш иштирокчиси ва қолган барча юмушлари алоқачилар бажаришади.

Телефонда суҳбатлашиш ва табриқлаш истагида бўлганлар шаҳарлараро телефон станцияси буюртмалар столи рақамини териб, манзил

1941-1945 йилдаги "Заҳматли меҳнати учун" медали билан тақдирланганларга тарқатиладиган бўлди. Хатжилд ичида уруш қатнашчиларига аталган табриқнома ва МДХ ҳудудида шаҳарлараро телефон станцияси хизматидан фақат бир марта, беш дақиқа вақт мобайнида бепул сўзлашувга мўлжалланган махсус талон бор.

Фахрийлар хатжилд сиртига байрам билан муборакбод этмоқчи бўлган фронтдош дўстининг манзилоҳини езиб, марка епиштирмай почта қўтисига ташлашса бас,

ҳамда керакли телефон рақамини айтса, телефончи биринчи навбатда буюртмани улаб беради. Махсус талон бўйича ўтказиладиган бепул буюртмалардан шу йилнинг май ойи давомида фойдаланиш мумкин.

Табийки, имтиёзли талон бўйича қилинади қўнғироқлар фақат "07" телефони орқали амалга оширилади. "08" хизматида эса бундай буюртмаларни бажариш кўзда тутилмаган.

Хурматли фахрийлар, хат эзинг, имтиёзли телефон хизматидан фойдаланинг!

## ЯНГИ ПОЧТА МАРКАЛАРИ

"Ўзбекистон маркаси" давлат нашриёт маркази Ўзбекистон Республикаси Рамзи туширил-

калар эса халқаро миқёсда юбориладиган хатларга мўлжаллангандир.



ган уч турдаги почта маркаларини нашрдан чиқарди. Бу почта маркалари бир-бирдан кескин фарқ қилади. Яшил рангли бир сўмлик маркалар республикамиз учун, қизил рангли уч сўмлик ва мовий рангли олти сўмлик мар-

Ушбу маркалар кўп нусхада чоп этилиб, почта корхоналари эҳтиёжини тўла қондиради. Бундан ташқари, Ғалабанинг 50 йиллиги атаб марка тўплами ҳам тайёрланди.

### УМР МЕЗОНИ

Ўша хотирали кунга ҳам рошпа-роса ўттиз йил бўлибди!

Чегара қўшинларида ўз йигитлик бурчини аъло даражада адо этиб, киндик қони томган юртига қайтган Қаноат Саидов ҳеч иккиланмай Қорақўл туман алоқа бўлимига ишга кирди. Унинг Армия хизматидаги кўникмасини инобатга олиб, 1-шаҳар алоқа бўлимига бошлиқ қилиб тайинланди.

Ана шу ўттиз йил ичида бўшаник меҳнат йўли босиб ўтирди. Қаноат Саидов ташаббуси билан кўримсиз хонадан шинам бинога кўчиб ўтди, бир неча бора у ишлаётган жамоа мусобақа голиби бўлди.

Ёш мутахассис ўз илмини оширишга эҳтиёж сезди ва Тошкент алоқа техникумига ўқишга кирди. 1982 йили ўқишни муваффақиятли битирган Қаноат Саидовга катта ишонч билдириб, уни Олот туман алоқа бўлимига бошлиқ ўринбосари қилиб тайинланди. Бу вазифада ўн йил ишлагандан кейин яна Қорақўл шаҳар 1-алоқа бўлимига қайтди. Ишга жиддий ендашуви, ҳушмуомалалиги боис Қаноат Саидов халқ ардоғида. Хизматлари инобатга олиниб, икки медал ва бир неча кўрақ нишонлари билан тақдирланган. Мен уни суҳбатга тортаман.

— Бизнинг идора туманимиздаги энг катта алоқа бўлиmlаридан бири ҳисобланади, икки мингдан зиёд оилага алоқа хизмати кўрсатамиз, — деди Қ. Саидов. — Мингта яқин Уруш ва меҳнат фахрийларига нафақа тарқатилади, ҳар ойда йигирма минг нусхадан ортиқ газета-журналларни обуначиларга етказиб берамиз. Бу ишда алоқачиларимиздан Ноила Фаттоҳуддинова, Ойлархон Ҳамроевалар жонбозлик кўрсатмоқдалар. Мен мустакил республикамиздаги барча алоқа хизмати ходимларини Ғалаба байрами билан табриқлайман.

**Мухаммад ПИРРИЕВ,**  
Бухоро вилояти,  
Қорақўл тумани

### • Алоқа матбуот кўзгусида

## УЛКАН ТАРМОҚҚА УЛАНДИ

Россиядаги Иваново энергетика университети олимлари санокли лаҳзаларда Англия, Германия, Франция, Хитой ва АКШдаги исталган олийгоҳ билан боғлана оладилар. Иваново дорилфунуни компьютерлари улкан халқаро "Интернет" телекоммуникация тармоғига улангандан сўнг шундай имконият туғилди.

— Керакли ахборотни олиш учун биз энди бевосита хоржий илмий марказларнинг кутубхоналаридаги манбаларнинг аслига мурожаат этамиз, — дейди университет ректори Владимир Нуджин. Ахборотларнинг бир қисми компьютерларимиз хотирасига бепул муҳрланди. Мальум бир тижорат аҳамиятига эга бўлганлари учун ойнага ҳақ тўлаймиз. Келгусида дорилфунуниимиз Южори Волгада шундай ахборотларни етказиб берадиган ҳудудга айланади. Бу мижозлар учун анча арзонга тушади, чунки алоҳида ажратилган алоқа тармоғи учун ҳақ тўламайди.

**Ўзбекистон Республикаси Алоқа Вазирлиги Собир Рахимов тумани телефон тармоғи бошлиғи Муборак Хошимовна Рустамова умр йўлдоши Суннатулла РУСТАМОВнинг бевақт вафот этганлиги муносабати билан чуқур таъзия билдиради.**

Юрган — дарё, ўтирган — бўйра. Дарҳақиқат, юраверсангиз турфа хил одамларни кўраверасиз, гаройиб гапларни эшитаверасиз...

Пойтахтнинг "Салор" бекатидан поездга ўтириб, Чорвоқдаги далаҳовлига кетаяпман. Ёш ўтаверган сайин, одам умр лаҳзаларининг қадрига етадиган бўлиб қоларкан. Камина ҳам дараза енидаги ўриндиққа яхшилаб жойлашиб олгач, кўзойнакни тақиб, мутолаага берилдим. Юзма-юз ўтирган икки русийзабон ҳамроҳим эса мириқиб гурунглаша бошладилар.

Улар олдин сиёсат ҳақида фикр алмашишди. Тоғли Қорабоғ, Чеченистон воқеаларини ўзларича шарҳлашди. Сўнг тарих, жумладан Ўзбекистон тарихи ва халқлари ҳақида мулоҳаза юритишга ўтишди.

Қулогим остида баралла жаранглаётган сўзларни эшитиб-эшитмагандек бўлиб, китобдан кўз узмай келаётган эдим. Аммо ҳамроҳларнинг сўзларидаги галати мантик, аниқроғи, тарихимизга, халқимизга беписанд муносабат, нохайрихоҳлик борган сайин ҳамиятимга тега бошлади. Ўзимни ҳақоратлангандек, камситилгандек сездим. Секин кўзойнак остидан атрофимдагиларга назар солдим. Кўринишдан, маҳаллий миллат вакиллари бўлмиш бошқа ҳамроҳларим гўе бу гапларни эшитмагандек жимгина хаел суриб кетишмоқда. Чамаси, эътироз учун уларда журъат, гурур, билим етишмаб эди.

Ҳалиги ҳамроҳларимнинг гурунги эса тобора қизиб борарди. Уларнинг фикрича, бизда айтарли ҳеч қандай

маданий мерос ҳам, қадриятлар ҳам бўлмаган эмиш. Ҳатто ўзбек деган миллат ҳам яқиндагина пайдо бўлган экан.

Сўхбатга аралашиб учун энди оғиз жуфтлаганимда улар лотин ёзувиға ўтиш ҳақидаги тadbирга муносабат билдиришаркан, илгари бу ердаги халқларнинг ўз ёзуви бўлмаган, дея узил-кесил ҳукм чиқаришди. Буниси энди ҳаммасидан ошиб тушди.

Ахири чидай олмадим. Уэр сўраб, уларнинг сўзини бўлдим. Босиқлик билан юқоридаги мулоҳазаларнинг мутлақо асоссиз, ҳақиқатдан йироқ эканлигини тушунти-

олаётган нозик масалада эҳтиёт бўлиш лозим. Агар кўнглингизга оғир ботмаса, битта саволим бор.

— Марҳамат, сўрагн.  
— Сизлар Ўзбекистонни ўз Ватаним деб ҳисоблайсизми?

Ҳамроҳлар кутилмаган саволдан сал ўнгайсизланишди. Бир-бирига аланг-жалағ қарашиб, охири Ватанини... "тан олган" бўлишди.

— Ҳа энди... шу ерда яшагандан кейин... Ватан-да...  
— Балли... агар ростдан ҳам Ватан бўлса, ана ўша Ватан

## • Умр чорраҳаларида

# ҚАДРИЯТЛАР ҲАММАНИКИ

ва шу ерда яшаётган халқлар тарихини, уларнинг урф-одатини озми-кўпми билиб қўйиш, унга ихлос, ҳурмат билан қараш зиён қилмайди. Халқлар дўстлиги, ўзаро иззат-ҳурмат шуни тақозо этади.

ришга уриндим.

Айни чоғда Беруний, Ибн Сино, Термизий, Форобий, Нақшбандий, Яссавий, Навоий, Темуэр, Улугбек, Бобур каби буюк бобокалонларимиз ҳақида фахру-гурур билан сўзладим. Улар қолдирган ўлмас мерос умуминсоний қадрият эканлигини таъкидладим.

Чамаси, самимий, куйиниб айтган гапларим ҳар қалай таъсир қилди, андак шаштидан тушгандек бўлишди.


— Биз шахсий фикримизни айтаяпмиз, холос, — деди ҳамроҳларнинг еши улутроғи. — Сиз қўшилмаслигингиз мумкин.

— Ҳар қандай шахсий фикрда ҳам озми-кўпми мантик, ҳақиқат бўлгани тузук, — дедим. — Айниқса сизлар тилга

Уэр, бу борада мен сизларга маъруза ўқимоқчи эмасман. Аввало, бу туйғу ҳар кимнинг кўнглида, юрагининг тўрида бўлиши керак. Акс холда ҳар қандай гап ортиқча...

Ҳамроҳлар фикримга қўшилгандек, жимиб қолишди. Бу сукут—аломати ризомиди-билмадим. Ҳар қалай, юқоридаги воқеа баҳонасида кўп нарсаларни ўйладим. Таниқли тарихчи олим Бўриной Аҳмедовнинг "Ватани севиш уни ўрганишдан бошланади" — деган ҳаққоний ўғитини хаелимдан ўтказдим. Айни чоғда яхши маънодаги миллий гурур туйғуси аввало ана ўша оддий билимдан, ўрганишдан озикланишига яна бир қарра ишонч ҳосил қилдим.

**Шодмон ОТАБЕК**



Табиат жилоси

## ШОҲМОТ ХАНГОМАЛАРИ

Фарзинни ...улоқтирворди

Нью-Йоркдаги мусобақалардан бирида гроссмейстер Уолтер Браун мастер Е. Цукерман билан беллашарди. Назорат юриши олдидан ҳар иккиси вақт танглигидан (шейтот) қийналишадиган эди. Мусобақа хаками хатжилларини ҳам тайёрлаб қўйганди, аммо ўйинни кейинга қолдиришнинг ҳожати қолмади. Цукерман саккизгачи горизонталга пьедесини энди чиқармоқчи бўлиб турганда Браун кутидати рақибининг оқ фарзинини олиб, томошабинлар ўтирган залга иргитиб юборди. Боқисини Цукерман йўқолган фарзинини қидириб топиб келгунча соатидаги байроқча тушиб кетади.

Таклиф кунда қолди

Мамлакат биринчи лигаси мусобақаларидан бирида иштирок этган Э. Гуфельд — И. Дорфман партиясида ҳам гаройиб воқеа содир бўлганди. Табиатан кувноқ одам бўлган тбилислик шохмо тчи аҳволи анча дуруст бўлишига қарамай, негадир асабийлашар эди. Шундай ҳолатда у рақибига ду ранг таклиф қилади.

— Олдин битта юриб кўринг-чи, — дейди рақиб.  
Мавҳумликни унча ектирмайдиган Гуфельд аниқ масалаларни ҳал қилишга уста эди, рақибни танг аҳволда қолди. Дорфман эса дарҳол дуранг ҳақидаги таклифни қабул қилди. Дурангта кўнмаган Гуфельд эса ҳакамга муружаат қилиб, шундай деди:  
— Бу энди дуранг таклиф этилгандаги ҳолат эмас-ку ахир?!  
Ҳакам эса на чора дегандай елкасини қисиб қўйди: дуранг ҳақидаги таклиф қилинган юришдан кейин ҳам ўз кучида қолган эди.

**Ш. АКБАРОВ тайёрлаган**

## ҚУВНОҚЛАР ДАВРАСИДА

— Демак, бу йил Грецияга бормайсизларми?  
— Йўқ, Грецияга ўтган йили бормаган эдик, бу йил Испанияга бормаймиз.  
xxx  
Судья машҳур кнссавурга деди:  
— Энди сиз жабрдийладан соатини қандай ечиб олганингизни айтиб бering.  
— Маъзур тугтайсиз, — деди судланувчи, — мен бундай маъруза учун соатиға ўн доллар оламан.  
xxx  
— Цех бошлиғи бир соатдағи зиед нима ҳақида гапирди?  
— Иш вақтини тежаш ҳақида.  
xxx  
— Қўшним бу ҳафтада ҳам қўлбола мусаллас тайёрлабди.  
— Буни қақдан билдинг?  
— Куенлари итимни дабдала қилибди.  
xxx  
— Жонимга тегди! Хотиним билан ажрашман!  
— Нима гап, тинчликми ўзи?  
— Ҳар кунни пивохожа ва ресторандарда ўралашиб юргани-юрган.  
— Шу қадар ичкиликка берилганми?  
— Кошқийди! У мени қидириб юради.  
xxx  
Хотин эрига деди:  
— Шарпани эшитилсанми? Уйимизга кимдир кирганга ўхшайди.  
— Ҳўш, мен нима қилишим керак?  
— Туриб итти уйрот!  
xxx  
— Илтимос, телефонга Рабиновични чақириб берсангиз.  
— Сизга қай бири керак — каттасими еки кичиги?  
— Каттаси.  
— Иккови ҳам ўлиб кетишган.

МУАССИС: Ўзбекистон Республикаси Алоқа Вазирлиги

Бош муҳаррир: Шодмон ОТАБЕК  
ТАҲРИР ҲАЙЪАТИ: Шухрат ЖАББОР  
Анатолий КУДИНОВ  
Мирпўлат МИРЗО

Рустам СОБИТ (Бош муҳаррир ўринбосари)  
Тоҳир РАҲИМОВ  
Екубжон ХУЖАМБЕРДИ  
Бобоҳон ШАРИФ  
ЖАМОАТЧИЛИК КЕНГАШИ: Бўриной АҲМЕДОВ  
Билол АМИНОВ

Сайдмаҳмуд АКБАРОВ  
Шоҳрух АКБАРОВ  
Меҳмонқул ИСЛОМҚУЛОВ  
Жамол КАМОЛ  
Тўлқин ЛУТФУЛЛАЕВ  
Тоғай МУРОД  
Сафар ОСТОНОВ  
Нурали ҚОБУЛ

МАНЗИЛИМИЗ: 700000 Тошкент-35, А. Толстой кўчаси, 1.  
ТЕЛЕФОНИМИЗ: 36-36-42, 36-35-29, 44-29-09. ИНДЕКС: 64600  
ЖУМА КУНЛАРИ ЧИҚАДИ

Муҳарририятга келган кўлөзмалар [2 оралликда, 5 бетдан ошмаслиги лозим] ва суратлар муаллифларга қайтарилмайди. Мақолалардаги фикр-мулоҳазалар, келтирилган факт ва рақамлар масъулиятни муаллифлар зиммасидадир.  
Рўйхатга олиш №000011. Буюртма №Г-0223 . 11905 нускада чоп этилди.  
Офсет усулида босилди. Бичими А-3, ҳажми 1 босма табак.  
ЎЗБЕКИСТОН РЕСПУБЛИКАСИ "ШАРҚ" НАШРИЁТ-МАТЕАА КИТАПЧАСИ.  
Корхона манзили: Буюк Турон кўчаси, 41-уй. 1 2 3 4 5 6

